



SARAJEVO Val nasilja u Evropi ubrzao odluku institucija BiH

Formirano državno tijelo za borbu protiv terorizma!

Sve nadležne agencije će saradivati u koordinacionom tijelu sa sjedištem u Sarajevu
 ● Prikupljat ćemo dokaze i djelovati preventivno, dodaje Vilić ● Brža razmjena informacija

Operativna grupa za borbu protiv terorizma Bosne i Hercegovine od jučer je počela s radom. Rezultat je to sastanka održanog u Tužilaštvu BiH, kojim je rukovodio glavni državni tužilac Goran Salihović. Sastanku su prisustvovali predstavnici Tužilaštva BiH, Ministarstva sigurnosti BiH i predstavnici svih policijskih agencija u BiH, Državne agencije za istrage i zaštitu (SIPA), Federalnog ministarstva unutrašnjih poslova, Ministarstva unutrašnjih poslova RS, policije Distrikta Brčko BiH, Obavještajno-sigurnosne agencije BiH (OSA), Službe za poslove sa strancima BiH, Direkcije za koordinaciju policijskih tijela BiH i Granične policije BiH.

Sjedište grupe

Jedan od aktera sastanka Aljoša Čampara, ministar unutrašnjih poslova Federacije BiH, u izjavi za „Dnevni avaz“ pojasnio je da će Operativna grupa omogućiti bolji i brži protok informacija te je izrazio zadovoljstvo što su sve policijske agencije involvirane u njen rad.

- Operativna grupa sastojat će se od policijskih službenika koji direktno ra-



Detalj s jučerašnjeg sastanka

Pitanje finansiranja

de na terenu i koji se direktno bave krivičnim djelom terorizam. Svaka policijska agencija delegirat će jednog svog predstavnika. Njihovo sjedište će biti u Direkciji za koordinaciju policijskih tijela. Tu su osigurane kancelarije - kaže Čampara.

Za državu BiH, dodaje on, dobro je da se formira ovakvo tijelo na najvišem nivou.

- Zbog naše ustavno-pravne strukture potrebno nam je takvo tijelo. Prevencija terorističkih aktivnosti bit će osnovni zadatak ove operativne grupe, koja će nositi naziv Koordinaciona grupa. Smatramo da će u ljudi

Potrebno je usaglasiti način finansiranja Operativne grupe za borbu protiv terorizma. Postoji opcija da rad ove grupe finansira Vijeće ministara BiH.

- Ukoliko to Vijeće ministara ne bude moglo finansirati, onda će svaka policijska agencija plaćati svoje ljude koje delegira u ovo tijelo - pojasnio je ministar Čampara.

efikasnije, brže i bolje razmjenjivati informacije i dostavljati ih policijskim agencijama. Tužilaštva će biti nadležna da rukovode policijskim istragama - ističe ministar te dodaje da je dobro da su i predstavnici iz Republike Srpske složni da je potrebno formiranje grupe na državnom nivou.

Ubrzan proces

Dapriči o prijenosu nadležnosti s entitetskog na državni nivo, koja je dolazila iz Republike Srpske, nema mjesta, smatra i Mirsad Vilić, prvi čovjek Direkcije za koordinaciju policijskih tijela BiH.

- Borba protiv terorizma

nam je zajednička, to je globalno zlo koje se može dogoditi bilo gdje i bilo kome. Poslije nedavnih događanja po Evropi - u Francuskoj, Njemačkoj i ranije Turskoj, ubrzali smo proces formiranja ove grupe, jer nema potrebe za odlaganjem - dodaje Vilić.

On je naglasio da će svi predstavnici koji budu članovi Koordinacione grupe na dnevnoj bazi komunicirati i razmjenjivati informacije, što do sada nije bilo slučaj.

- Prikupljat ćemo dokaze i djelovati preventivno, kratko i jasno rečeno - potcrtao je Vilić. **E. TRAKO**



Vilić: Nema prijenosa nadležnosti



Čampara: Brže djelovanje